

IZVJEŠTAJ - II GRUPA

Period:10.07.2006-22.07.2006

Naša organizacija UHD »Priateljice« Tuzla ima dugogodišnju saradnju sa Komitetom za ljudska prava iz Kölna preko kojeg se implementira projekat «Odmor od rata». U okviru te saradnje, svake godine određeni broj djece (svake godine druga djeca) iz našeg projekta, ide na more. Takođe i ove godine smo dobili priliku da ponovo vodimo djecu na more u Neum. Ovogodišnji učesnici druge grupe dolaze iz Tuzle, Bijeljine, Zvornika, Soline, Janje, Simin Han-a, Oraovca i Lipnice. Bilo je ukupno 81 dijete iz raznih gradova, entiteta, raznih uzrasta, međusobno sličnih i ravnopravnih u mnogim stvarima. Ljetovanje se odvijalo u periodu od 10.07.2006 do 22.07.2006 godine. Svaki dan je bio ispunjen šarolikom ponudom raznih radionica od strane voditelja i djeca su imala mogućnost slobodnog izbora da rade ono što žele, a takođe i da organizuju samostalno neke radionice



Koordinator naše grupe ove godine je bila gospođica Hiltrud Gass koja kaže :

«Nadam se da ćete ovaj život koji ste ovdje živjeli živjeti i kod kuće. Svi ljudi koji su ovdje borvili su isti, među njima nema razlika, svi smo prijatelji, ne neprijatelji.»

Mirovne radionice su vođene od strane voditelja.

Voditeljica Ljubica je radila radionice na teme: *Smisao/besmisao, Snaga/nemoć, Povjerenje, Diskriminacija, Tolerancija i Relaksacija.*

Vrlo zanimljive mirovne radionice kreirala je voditeljica Mirela.

Teme su bile: *Piramida života i Upoznajmo se.* U okviru ovih radionica nastali su plakati: *Cvijeće sa imenima svih učesnika i njihovih voditelja,* veliki plakat pod nazivom *«Mostovi prijateljstva»*, zatim su djeca sklapala puzle i nastala su dva goluba mira koji lete zajedno ka istom cilju, a to je zajedništvo.

Takođe, voditeljica Mirela je uradila sa djecom *radionicu 1-2-3* uz kordinaciju Mersihe-prevodilac i gospodina Edgara.

Neobične mirovne radionice vodila je voditeljica Suzana. One su nosile naziv: *S kim si takav si i Da li si bezobziran kritičar.*

Voditeljica Munevera je vodila radionice: *Moja osjećanja, O sebi, Ja govor i Lični štiti*

Naša himna:

*Zajedno smo ovdje svi
U mladosti uvijeni
Skupa sanjamo u miru
Prijatelju moj.*



*Tražio sam tebe dugo
Dijelio nas bezdan rata,
Ali sada slobodni smo
Prijatelju moj.*



*Bijeli golub nek nas vodi
Kroz radosne sfere neba*

*Uhvati me sad za ruku
Prijatelju moj.*

*Ostanimo vječno skupa
Nakrilima golubice
Dodirimo savršenstvo
Prijatelju moj.*

Pored mirovnih radionica i bile su održane kreativne radionice koje je voditeljica Suzana realizovala sa djecom kroz skupljanje kamenčića, pravljenja kutijica za nakit i ramova za slike. Takođe su radili radionicu sa izrekama na bosanskom i engleskom jeziku.

Lutkarsku radionicu je predvodila voditeljica Ljubica. Učesnici su pripremili kraću lutkarsku predstavu pod nazivom »Zalutalo voće i povrće». U okviru radionice Literarni kutak, koji je vodila voditeljica Olivera, učesnici su pisali literarne radove i poeziju na temu vezanu za osjećanja prema zavičaju. Zahvaljujući radu u ovom kutku uputili smo pismo podrške djeci Izraela i Libanona koja u sličnom projektu borave u Njemačkoj. Pisali smo pisma zahvale donatorima i pravili čestitke za njih. Izlet smo organizovali na Korčuli gdje nam je bilo jako lijepo. Djeca su bila oduševljena što se mogu voziti brodom.

Dodatne aktivnosti koje smo davali djeci su: *kurs informatike* koje je vodila voditeljica Nermina i *kurs plivanja* koji je vodio voditelj Novica. 40 djece je naučilo plivati.

Učenici Gimnazije »Meša Selimović« Tuzla i Gimnazije »Filip Višnjić« Bijeljina su se prijavili da bi i oni mogli voditi neke radionice. Mi smo se uz dogovor sa koordinatoricom tima odlučili na Kung fu, ples i stoni tenis. Kung fu su vodili učenici Zona i Amar, ples učenica Sabina a stoni tenis učenici Tijana i Jovica.

Za realizaciju projekta »Odmor od rata« druge grupe bili su zaduženi:

Voditelji II grupe:

Asistenti:

Kakuća Novica
Pandurević Olivera
Itebejac Ljubica
Arapčić Nermina
Divković Suzana
Nentwig Theresa
Rašidović Munevera
Šehović Mirela

Članovi Komiteta:

Hiltrud Gass
Edgar Weick
Mersiha Ekić-Garbe
Gabriele
Siggi
Elvir
Jasmina

